

05

A

667





J. N. D. N. J. C.

DISSERTATIO METAPHYSICA

De

DISTINCTIONE,

Cujus

PARTEM PRIOREM,

Adspirante Divinâ Gratiâ,

Sub Moderamine

V I R I

NOBILISSIMI, AMPLISSIMI atq³ EXCEL-
LENTISSIMI,

DN. CHRISTIANI DONATI,

Log. & Metaph. in Incluta hâc Electorali ad Albim

Prof. Publ. Celeberrimi

Domini Patroni atq³ Fautoris etatem

devenerandi,

Placidæ disquisitioni submittit

M. JOHANNES HENRICUS Meel /

Argentorat.

Ad d. 28. Jan. ANNO 1680. h. 1q; c.


WITTENBERGÆ,

Typis MATTHÆI HENCKELII, Acad. Typogr.



05 A 667





Mat natura distinctionem,

nec quicquam in eâ reperitur indistinctum. Affinitas datur & rerum convenientia, nulla vero ullibi confusio. Imò tam impossibile est in rebus quicquam dari, quod cum alio sit confusum, quam impossibile est idem simul esse & non esse. Eset enim res illa id quod est, per propriâ essentiâ, & esset aliquid quod non est, per illâ essentiâ, cum qua confusa esset. Sicut si in unâ re confusa esset Essentia humana cum canina, illa res per essentiâ humanam esset homo, & non esset homo, per essentiâ caninam, adeoque simul esset & non esset, quod omnium absurdorum primum, atque maximum est. Naturam hâc in parte tanquam normam suam sequitur Intellectus noster atque ratio; quæ, quantum quidem id fieri potest, in id annititur, ut, quæ natura distinxit, ipsa quoque non confundat, sed tanquam distincta cognoscat. Et cum maxima intellectus perfectio sit, rem cognoscere sicut est, id vero fieri nequeat, nisi distinguendo aliena à propriis, extræssentialia ab essentialibus, facile patet, quam necessarium sit nostro quoque Intellectui, bene distingvere. Imò propter imbecillitatem suam sæpe ad rei cognitionem intimiorem ea distingvere cogitur, quæ aliâs re ipsâ unum sunt atque idem: sed de hisce alibi fufius agitur. Nobis hâc vice sufficiat summam distinctionis in omni disciplinarum genere utilitatem exinde cognovisse, quam tritum illud communi sermone proverbium quoque confirmat, quo ille demum bene docere dicitur, qui bene distingvit. Quantum vero doctrinæ hujus usus est, tantis quoque ea implicita est difficultatibus, sive ipsam ejus naturam spectes: *Per distinctionem enim, inquit Svarez, uniuscujusq; rei essentia seu quidditas attingitur, nam*

*Disp. Met. 6.
S. 1.*

Met. Div. P.
G. c. 13. ad
prac. 3.

dividendo unum ab alio, ad propriam uniuscujusq; rei definitionem pervenitur. Unde, quam est difficile rerum essentialias nosse, tantundem est, varios gradus & modos distinctionum explicare: Sive Autorum, Scholasticorum præcipuè, & qui eos secuti sunt, confusam, admodum, & perplexam in hâc ipsâ tradendâ docendi rationem perpendas, ut verissimum sit, illos nullibi minus distinctè agere, quam ubi de distinctione agunt, ut nesciam (verba sunt Magnif. atqve Summè Rev. Dn. D. Calovii Patroni atqve Præceptoris submississimè devenerandi) quò fato in distinctione règnet confusio, & quæ evolvi videntur, datâ operâ quasi involvantur. Nihilominus, utut difficultas hujus doctrinæ modo recensita me ab ejus tractatione deterrere potuisset, usus tamen ejusdem amplissimus, ut eam pro virili evolvendam susciperem, svasit ac impulit. Progrediar autem in ejus tractatione hòc ordine, ut in priori Sectione Quid ditatem, eamqve cum nominis, tum rei: in altera vero, quoad usq; quidem licebit, varietatem atqve divisiones persequar. Adsit D. T. O. M. qui in distinctione Personarum unus est, Author, sicut omnium rerum, ita quoque omnis; quæ in rebus est, distinctionis, & dirigat mentem meam, ut hanc de distinctione doctrinam, distinctè proponere queam.

SECTIONIS I. quæ QUIDDITATEM

exhibet

SUBSECTIO I. ὀνομασθολογική.

§. 1. Oritur autem vox distinctio à verbo distingvere, quod nonnullis est à dis & tingere, ut adeo vi nominis illa distincta dicantur, quæ alio atqve alio colore tincta sunt, sicut vestimentum nigrum & viride propriè sunt distincta; usus tamen ab impositione deviavit, ut etiam quæ omni colore destituuntur, dummodo alio quocunqve modo differant inter se, distincta dicantur; nomine à sensuum cognitione & rebus materialibus, à quibus nostra cognitio incipit, transumpto. Quamvis alii à verbo Tinguere quod apud Plinium, alii à stingere, quod apud Plautum reperitur, id deducere malint. Est autem vox hæc ex numero τὸν

πολλὰ

πρόσχωρος λεγόμενων. Sumitur enim. 1. *Grammaticè*, prout
 commoda, cola & puncta distinctionum nomine veniunt, vel 2.
Logicè pro divisione æquivoci in sua æquivocata: qua ratione op-
 ponitur divisioni pressè sumptæ, quæ rem ipsam in sua membra
 dividit. Sed hæc acceptiones sunt alienæ. 3. Igitur propius ad
 propositum nostrum accedendo, distinctio sumitur vel *Efficienter*,
 pro actu distinguentis, sive id fiat per membra corporea, sive per
 mentis conceptus. Vel *formaliter*; Et sic iterum sumitur vel
concretivè, ita ut includat ipsam rem ab alia dissentientem, vel *ab-*
stractivè pro ipsa forma, quæ unum ab altero distinctum denomi-
 natur. Et hæc acceptio hîc attenditur. Est autem & ipsa am-
 bigua; vel enim *generalissimè* sumitur, prout tam distinctionem
 rationis, quam realem, tam negativam, quam positivam includit:
 vel *Specialissimè*, prout modus diversitatis dicitur Oppositioni
 contradistinctus: vel *medio modo*, quo oppositionem includit, di-
 stinctionem vero rationis & negativam ex formali suo excludit.
 Et hæc est significatio propria, & hujus loci, uti ex inferius di-
 cendis clarius patebit.

§. 2. Æquipollent autem distinctioni hoc modo acceptæ
Diversitas & Differentia. Ita quidem, si diversitas non sumatur
Logicè seu complexè, prout propositiones vel diversæ sunt, vel
 oppositæ, sed *incomplexè & in oppositione non (α) ad differentiam*,
 prout ea tantum diversa sunt, quæ se totis diversa sunt, & non in
 aliquo, seu conceptu univoco conveniunt, & per aliquod sui, seu
 conceptum differentialem differunt, quo sensu Arist. 1. 10. Met. c. 5.
 t. 12. dicunt has voces accepisse, quamvis Fonseca verbis contextus
 illius hâc explicatione vim fieri non abs re judicet. Quicquid
 autem sit de hâc acceptione, id tamen liquet vocem diversitatis
 hoc modo, acceptam non æquipollere distinctioni, cum & homo
 à bestia, & corpus à spiritu realiter distingvantur, nec tamen hoc
 sensu diversa sint, sed differentia. Nec (β) *ad distinctionem*, quæ tunc
 solam negationem Identitatis realis dicere, diversitas autem insu-
 per negationem similitudinis & convenientiæ addere videtur.
 vid. Svarez. Sed (γ) *ad Identitatem*, in qua acceptione certum
 est, frequenter istos terminos (diversitatem & distinctionem) accipi

Comm. in b. l.

Disp. 7. Met. S.

æqui. 3. n. 6. p. m. 132.

Op. Met. P. 1.

l. 8. n. 11. p. m.

107.

Prim. Philos.

Ref. c. 10, S. 14.

n. 2.

equivollentes. vid. Scheiblerus. Frustra in contrarium nitente P. Voetio, cujus probatio adducta, cum ex puris particularibus procedat, minime militat. Idem de Differentia iudicium esto, si sc. & hæc accipiatur *non in contradistinctione ad diversitatem*, prout DEUS à creaturis: ite Transcendentia, genera summa, & juxta quosdam Individua distinguuntur, non ut differentia, sed ut diversa, sed prout unum quodque Ens ab alio, cum quo non est idem, differre dicitur.

§. 3. Ut autem tum hæc, tum ipsius distinctionis formale clarius pateant, una atq; altera distinctionum nominalium superius tactarum, evolvenda est atq; paucis, pro instituti ratione, explicanda. Dividitur autem distinctio ratione terminorum qui vel positivi sunt, vel negativi, in *positivam & negativam*. *Positiva* est, quæ intercedit inter duo extrema positiva, sive illa sint Entia, sive Entis modi. *Negativa* vero est vel inter Ens & non-Ens, sicut homo vivus à mortuo, visus à cæcitate distinguuntur: vel inter non-Entia, quæ planè diverso modo concipiuntur. Sic differt Cerberus, qui per modum canis tricipitis concipitur, à Chimæra, quæ nobis representatur per modum animalis, tergemini, quod sit

Ἡρώδης λέων, ὁπιθὲν τοῖς δράκωνι, μίσησι τριχίμαρα &c:

Hom. Iliad. 7.

Non esse autem veram distinctionem, nisi inter Entia positiva, patet, cum distinctio quæ hujus loci est, sit membrum positivi attributi Entis. Quomodo autem quod non est poterit aliquid positivum sustinere à quo intrinsicè denominetur? potius non-Entis nulla attributa &c. ex vulgato illo axiomate agnoscenda. Non enim Idem & diversum nisi sub Ente opponuntur, sicut clarè docet Aristot. ubi etiam concludit: Διὸ τὸ ἕτερον ἢ λέγεται ἢ τῶν μὴ ὄντων (τὸ δὲ μὴ τούτῳ λέγεται) ἢ τῶν ὄντων. *Diversum non dicitur de non-Entibus (de iis vero non idem dicitur) sed de Entibus.* Cum enim res per propriam Essentiam distinguantur, juxta Axioma vulgare: Per quod quid constituitur, per illud etiam distinguitur: privationes vero & negationes essentiam destituantur, manifestum est, illas, sive cum positivis, quibus opponuntur, sive inter se invicem, nullius propriæ distinctionis relationem

l. 10. Met. c. 5.

r. 11.

nem vel fundare, vel terminare posse. Ut alia argumenta taceamus, Consentiant hâc in re nobiscum Svarez, Hurtadus, Joh. de Rada & Musæus. Cum autem non Entibus aliquando distinctio tribuitur, ἀναλόγως illud accipiendum, sicut iisdem alia quoque entium attributa, v. c. unitas, compositio, totalitas, partialitas &c. attribuuntur. Et ratione hujus ἀναλογίας, divisiones quoque distinctiois veræ hûc applicari possunt, ita ut alia dicatur realis, inter ea scil. quæ concipiuntur ut diversæ res, v. c. inter Chimæram & Cerberum: alia modalis, inter ea, quæ concipiuntur ut res & rei modus, v. c. in Hirco cervo, inter unionem hirci & ipsum hircum &c. sed nobis hîc non licet esse prolixis. Peragendum ad alia.

Disp. Met. 7.
S. 1. n. 2. p. m.

121.
Disp. 6. Met.

S. 1. S. 1. p. m.
396.

P. 1. Controv.

4 p. m. 59. N. 1.

Inst. Met.

p. 440.

§. 4. Est distinctio relativum quid, adeoque requiritur extrema relationis hujus capacia, tum veram inter illa extrema habitudinem. Ex defectu prioris requisiti antecedentem divisionem ad æquivocas & nominales relegavimus: idem facturi in divisione statim subjungenda, propter posterioris absentiam in altero membro. Est ea, quæ distinctio dividitur in *Realem* & *Rationis* sive *intentionalē*. Cujus distinctiois fundamentum male à quibusdā in hōc ponitur, quod omnia quæ distinguuntur vel sint Entia realia, vel rationis; quorum illa realiter, hæc ratione distinguuntur. Nec etiam illud est realitas fundamenti, quasi omnis illa distinctio, quæ fundamentum in re habet, realis sit, prout hanc divisionem tradit P. Voetius; cum hæc ratione inter Essentiam & attributa DEI vel realis distinctio, ac per consequens etiam compositio statuenda sit, vel nullus planè distinctiois modus relinquatur. Sed hoc genuinum est distinctiois hujus fundamentum, quod sicut quædam Essentiam suam ante mentis operationem, quædam non nisi per eandem habent; quorum illa realia, hæc rationis Entia dicuntur: ita etiam quædam ante operationem intellectus, quædam non nisi per eandem distinguuntur, quorum illa re, hæc ratione distincta vocantur. Est ergo distinctio realis, quam res habent ante mentis operationem; Intentionalis vero, quam res non nisi per mentis operationem obtinet, seu est eorum, quæ, cum à parte rei idem sint, per conceptus mentis distinguuntur. Aut si cum Musæo ex Aristot. ejus definitio-

Prim. Phil.
ref. p. 239.

Inst. Met. C.

34. §. 22. L. 4.

Met. c. 11. t. 3.

nem adornare velis, *distincta ratione sunt, quæ, cum secundum rem sint idem & una natura, non una tamen ratione declarantur, ut Ens & unum.*

§. 5. Ut autem in ea explicanda paulò accuratius versemur, considerabimus 1. *Subiectum* in quo ponenda sit distinctio rationis. In hoc assignando variant Authores, dum alii eam ponunt in conceptibus formalibus diversis, alii in diversis conceptibus Objectivis. Priori sententiæ subscribunt illi, qui distinctionem rationis definiunt, quod sit ea, quæ conceptus formalis alius est ab alio, quam sententiæ inter alios tenet Vasquez citatus à Mendoza ut & Stahlius ubi vid. plura in hanc rem. Rationem inter alias hanc adducunt, quod aliàs distinctio rationis in ipso DEO ponenda esset, quod absolum videretur, cum DEUS in se indistinctus sit, & tantum ab intellectu nostro distingvatur, propter hujus in cognoscendo imbecillitatem. Imo meminit Mendoz. Tarantasi cujusdam, qui, quod in DEO videbatur ponere diversas formalitates Objectivas respondentes diversis actibus præcisivis Intellectus, adeò male audiverit, ut etiam accusatus fuerit. ap. Joh. Vercellensem Generalem familiæ Dominicanæ; & optat, ut omnes sententiæ hujus patroni deferrentur ad Judices, quo cogerentur deserere suam sententiæ. Nihilominus in contrarium alii statuunt Subiectum distinctionis in hæc distinctio propriè non sit in intellectu, sed in Objecto. Rationes hi assertionis suæ ponunt. Quod 1. nullus conceptus formalis sit absque objectivo: 2. si distinctio hæc ponatur inter diversos conceptus formales, realis ea futura sit, non rationis, cum unus conceptus ab alio absque operatione mentis fictrice distingvatur. 3. Sicut Ens rationis non dicitur ille conceptus formalis, qui subjectivè in mente, adeoque reale quid est, sed illud objectum in intellectu, quod cum non sit, per conceptum tamen formale representatur, ac si esset: Sic quoque distinctio rationis, licet non sit, nisi per conceptus mentis, tamen in illis formaliter non consistat, sed in objecto ratione distincto. Verum res videtur componi posse distingvendo 1. Inter hujus distinctionis fundamentum & formale, illud in diversitate conceptuum formalium consistere, non

1. part. Disp.

22 c. 1.

Disp. 6. Met.

S. 4. S. 40.

Inst. Met. c. 33.

P 343. 99.

4. cit.

non negatur: sed de hoc quæstio est. 2. Ex Hurtado, inter Objec-
tum specificativè & reduplicativè spectatum. Specificativè
acceptum dicit entitatem illam, quæ terminat cognitionem, cum
prædicatis illi convenientibus ante eam cognitionem, & sine de-
pendentia ab illâ. Reduplicativè verò & in ratione objecti confi-
deratum, significat Entitatem Objecti, involventem jam vel de-
nominationem, vel effectum aliquem pendentem ex cognitione.
Si Objectū igitur priori modo accipiat, priori sententiæ utique
concedendum, in DEO, præcisâ sc. cognitione, nullam esse distin-
ctionem statuendam. Sin posteriori modo & reduplicativè,
per posterioris sententiæ argumenta! quidum esse puto, in Obje-
cto esse formale distinctionis formalis ponendum, adeoque hoc
ipsum absque incommodo dici posse hujus distinctionis subje-
ctum. Est igitur subjectū distinctionis intentionalis: α. Generalis-
sime omne objectum intellectus, cum in omni objecto intellectus
possit partiri conceptus distinctos inadæquatos. Licet enim di-
stinctio rationis non requirat entia rationis ut extrema, potest
tamen ad illa extendi. β. In specie, omne Ens reale. γ. Specialius,
ipsum Ens simplicissimum. vid. Magnus noster Calovius. Solet
autem hoc à quibusdam dividi in Subjectum *In hæc & Ab his*. Illud
dicitur aggregatum plurium conceptuum sola ratione distincto-
rum: v. c. quando homo dividitur in animalitatem & rationali-
tatem. Hoc verò dicitur esse unus conceptus, solâ ratione ab
alio distinctus, sicut Justitia DEI ab ejusdem Misericordia. II.
Terminos, qui inverso ordine sunt ipsum Subjectum Ab his. Si
enim rationalitatem ab animalitate distinguas, illa subjectum est,
hæc terminus: Si verò vice versa ab hæc incipias, hæc Subjectum
erit, illa terminus. III. *Formale*; quod à quibusdam ponitur
in denominatione extrinsecâ: vid. Stahl. ab aliis verò in relatio-
ne rationis, quibus & nos ad stipulamur; moti hisce argumentis,
quod 1. distinctio formaliter sit relativum quid, dicit enim habi-
tudinem unius ad aliud: Ergo etiam distinctio rationis, veræ di-
stinctionis simia, per modum relationis concipienda: hæc autem
relatio non realis est, cum fiat per mentis fictionem; E. distinctio
rationis in relatione rationis formaliter consistit. 2. Ubi-
cunque distinguntur & inter se conferuntur, quæ realiter distincta non
sunt,

D. Met. 6. S. 4.
§ 44.

Met. Div. P. G.
c. 13.

Inst. Met.
p. 343.

B

sunt, ibi est ratio rationis: at distinctio rationis formaliter distinguit duos conceptus realiter eosdem, & unum cum alio, à quo distinguitur, confert. E. 3. si formale distinctionis hujus consisteret in denominatione extrinsecâ, sive in actione intellectus denominante rem distinctam, esset aliquid reale, non fictum; sed verum accidens.

§. 6. His ita explicatis facilius probatu erit, distinctione, rationis non nisi æquivocè sub distinctione quæ hujus loci est comprehendendi. Probatur autem id ipsum 1. quia formaliter, uti modo probatum, in rationis relatione consistit, quæ ad constituendum positivum entis attributum non sufficit. 2. Eo modo distinctio rationis est distinctio, quo Ens rationis Ens est. Atqui hoc æquivocè Ens est. E. Ratio consequentiæ patet, quia ratio non plus realitatis potest communicare Entis affectioni, quam ipsi Enti, cum attributa Entis Transcendentia ipsam Essentiam intimè imbibant. 3. Si veris attributis annumeranda essent, quæ per rationis operationem ipsis assimilantur, etiam quæ per rationem composita essent, verè talia dicenda essent, adeoque simplicitas DEI periclitaretur. 4. Quæ solâ ratione eadem sunt verè non sunt eadem: E. Oppositorum enim eadem est ratio. Agnovit autem hoc nobiscum Svarez atque Mendoza.

§ 7. Licet autem ex dictis hæc divisio nominis tantum sit, *Vetus* tamen est, fatente vel ipso ejus impugnatore Fonsæca: Ut malè Derodon & vel ipsa experientia reclamante neget dari distinctionem rationis, cum distinctio rationis fiat, ubicunque Intellectus diversimodè circa rem eandem versatur; Unde etiam ipse Aristoteles eam tradidit loco supra cit. & l. 10. Met. c. 5. t. II. Nec non *Adequata*, cum per terminos contradictorios constituitur. Quicquid enim quocunque modo distinctum est, vel tale est ante mentis operationem, vel non est, sed fit demum per eandem. Unde falluntur, qui vel distinctionem modalem, vel ex natura rei, (de quibus infra Sect. 2.) vel virtualem (quod facit Ariaga) superaddunt, cum omnes hæc vel sub reali, vel sub Intentionali, vel sub utraqve, pro diversâ acceptione, contineri possint.

Vid. Stahl. & Ebel.

XI. S. 1. A. 1.

§. 8. Di

Disp. Met. 7.

S. 1. n. 7.

Disp. M. 6. S. 2.

§. 11.

in L. 5. Met. c.

6. q. 4. S. 1.

Log. p. 80. conf.

Met. p. 41.

Disp. Met. 1.

S. 4. n. 97.

Inst. Met. p. 317.

Coll. Publ. D.

§. 8. Dividitur autem vulgo in distinctionem *rationis ratiocinantis*, quæ ab aliis (α) distinctio rationis puræ & (ε) rationis factæ appellatur, & est, quando idem à se ipso distinguitur, ab intellectu sine fundamento in re, per repetitionem ejusdem, conceptus formalis: vid. Suarez. Adeoque hæc distinctionis nomen non meretur, cum vix, ac ne vix quidem sit inter diversos conceptus formales; Unde etiam cum vix ullus ejus in Philosophia usus sit, à Philosophis meritò negligitur. vid. Mendoza. Et *rationis ratiocinata*; quæ sic dicitur, quod ratio ratiocinetur (barbare loquendo) hæc, ad ratiocinandum moveatur per fundamentum in re: explicante Scheiblero. Ab aliis appellatur (α) formalis notionalis, (ε) rationis conceptæ (γ) virtualis, & quasi realis æquivalens: non quidem absolutè, sed comparatè, & in respectu rationis ratiocinatæ, supra explicatæ. Describitur, quòd sit alienitas unius conceptus ab alio cum quo realiter idem est, per operationem mentis, cum fundamento in re. Ab aliis dicitur esse inter duos pluresve conceptus inadæquatos ejusdem rei. Ortum, est hoc distinctionis genus ex imbecillitate intellectus nostri, qui cum uno conceptu totam rem penetrare non potest, partitur & distinguit eandem in diversos conceptus inadæquatos. Fundamentum autem hujus distinctionis ut plurimum sunt diversa connotata, ad quæ res aliqua respectum dicit. Sic cum unus effectus plures connotet causas, vel vice versa: Ipse effectus in respectu ad illas causas à se ipso ratione distinguitur, prout vel eum hæc, vel eum illa causa seorsim consideratur. Idem accidit causis in respectu ad diversas actiones vel effectus. Sic anima cum connotata Intellectione concipitur ut Intellectus, cum connotata volitione verò, ut voluntas; adeoque eadem anima, cum in Intellectum & voluntatem dividitur, pro ratione diversorum connotatorum quasi à se ipsa distincta concipitur. Duo autem potissimum de hisce connotatis notanda ex Hurrado: Primum, quod non semper, sed tantum ut plurimum reperiantur, cum Essentia DEI nihil extrinsecum connotet, quando ab attributis distinguitur: Unum quoque & Ens inter se absque connotatis talibus distingvantur. Unde quæ ratione ratiocinatâ differunt,

(α) *Fons. in l. 5. Met. c. 6. q. 6. S. 3.*

(ε) *Scharf. Theor. Transf. p. 304*

D. 8. Met. S. 1. n. 4.

Disp. M. 6. S. 5. § 76.

Met. L. 1. c. 8. n. 45.

(α) *Dn. D. Calov. Met. div. b. 1.*

(ε) *Scharf. Th. Transf. p. 304.*

γ Derodon Log. p. 80.

Disp. M. 6. S. 5. § 78.

non absolute dicenda sunt diversis connotatis distingvi: sed vel his, vel saltem diversis conceptibus formalibus. Alterum, quod conceptuum multiplicatio per connotata dupliciter fieri possit: 1. quando diversa connotata, diversis actibus intellectus respondent. 2. quando diversis actibus intellectus idem attingitur connotati, sed diverso respectu. Sic eadem uoio est quia materia formæ, & quia forma materiæ unitur; sicut una via est Athenis Thebas, & Thebis Athenas: si tamen eam considerem ut causalitatem materiæ, materia subjectum est, forma terminus: si tanquam causalitatem formæ, hanc per modum subjecti, illam per modum termini intellectui sisto. Fusius vero hæc deducere, instituti ratio non permittit: qui plura desiderat, adeat Mendozam, Musæum atque Stahlum. *Κερίηια* denique huius distinctionis tria potissimum sunt. 1. Subordinatio plurium in eadem serie prædicamentali. 2. Conceptuum diversitas in Ente simplicissimo. & 3. Definitionum formalis diversitas in Ente realiter eodem.

loc. cit. § D.
Pb. 9. S. S. 44.
Inst. Met.
p. 442. 444.
Inst. Met.
P. 346. sq.

§. 9. Dividitur 1. in *adequatam* & *inadequatam*. Illa aliàs dicitur *contradistinctorum*, & est, quando neutrum extremorum sub alterius conceptu includitur, Hæc, quæ aliàs vocatur *Includentis* & *Inclusi*, est, quando alterum extremorum in conceptu suo includit alterum. Illo modo distingvuntur *DEI*, *Justitia* & *eiusdem Misericordia*, hõc modo *Animal* & *homo*. 2. In *Virtualem*, *Formalem* & *Modalem*. *Virtualis* dicitur eorum, quæ diversimodè sese exerunt, ac si essent virtutes agendi aliæ atque aliæ. Sic vis indurativa, liqvefactiva, & calefactiva distingvuntur in radiis solaribus. *Modalis* est inter essentiam & determinatiores essendi rationes s. modos latè dictos, vel etiam inter hos ad se invicem, si scilicet non sint oppositi. v. c. inter *Ens* & *Verum*, it. inter *Unum* & *Verum*. *Formalis* vero eorum esse dicitur, quæ unitivè sunt contenta; qualia dicuntur, tum *Essentialiter* subordinata, tum *Affectiones* ab *Essentiâ* realiter non diversæ. Ubi *Not.* 1. quod membra harum distinctionum sibi non immediatè opponantur; cum v. c. *Ens* & *Unum* distingvantur & formaliter, & modaliter: sed eatenus saltem adferantur, ut quadan-

tenus

tenus discernantur respectus illi diversi, quorum ratione quaedam dicuntur notionaliter differre. 2. Quod iidem termini ad realem quoque distinctionem applicari possint: virtualis enim vi nominis dicit distinctionem duorum, quæ se habent ut virtus & virtus: At virtus à virtute tam re, quam ratione, pro diversitate scil. exemplorum, distinguitur. Idem accidit Modali: quæ si sumatur in respectu ad modos specialiter dictos, vel etiam oppositos, realis est. Formalis verò, si distinctionem dicat inter duos conceptus formales subjectivos, ex supra dictis itidem realis est. Sed de his forsan inferius plura dicendi locus erit. Verum enim verò prolixiores ferè fuimus in nominis ratione explicanda, præcipuè quod posteriorem hanc divisionem attinet, idque propter usum quem habet in Philosophicis amplissimum. Propterandum ergo ad alia. Restat autem in hâc prima Sectione expedienda.

SUBSECTIO II. Πραγματολογική.

§. 10. Absolvitur hæc consideratione *conceptus* tum *contrahibilis*, tum *contrahentis*, cui Colophonis loco subjunguntur *κρητήρια*. *Conceptus* igitur *Contrahibilis* breviter in hoc consistit, quod sit *membrum*, (non integra affectio incomplexa.) *Attributi* (non modi contrahentis, qui quomodo ab attributis differat vid. ap. Magn. Dn. D. Calovium & Scheibler.) *Entis* (quæ talis, non specialium & determinatorum Entium, v. c. Corporis aui Spiritus) *Disjuncti* (unita enim attributa membra respuunt: quæ autem disjunctio: vid. ap. Scheibl.) *Principalis*, *Mediati* (vid. Magnif. Dn. D. Calov.) *mediante Unitate Enti conveniens* (Unitas enim vel spectatur *absolutè*, & sic fluit ex ea divisio entis in simplex & Compositum, &c: vel *relatè* ad aliud, & sic fundat divisionem Entis in Idem & Distinctum; quatenus enim unum ad aliud refertur, vel idem cum eo est, vel diversum.)

§. 11. In *Conceptu contrahente* spectandum i. *Subjectum*, quod à nonnullis ponitur conceptus objectivus, cum, ut supra retulimus, ex opposito distinctionem intentionalem inter diversos

Met. Div. P. G.
c. 9. ad Prac. 1.
Op. Met. L. 2.
c. 1. n. 6.
Op. Met. L. 1.
c. 20. n. 17.
Met. Div. P.
G. c. 9.

tos conceptus formales esse volunt. Sed, ut ibidem indicavi-
 mus, inter conceptus objectivos datur etiam distinctio rationis,
 & conceptus formales realiter, non solâ ratione distingvuntur.
 Accedit, quòd *res* esse Objectivû vel cognitum, per accidens sit ad
 distinctionem realem. Est autem Subjectum veræ distinctionis
 omne Ens (ampliando terminum ad omne id quod non est nihil,
 ut etiam modos Entium comprehendat) quatenus ad aliud re-
 fertur. *II. Terminus*, qui est inverso relationis, ordine ipsum
 subjectum, ut supra quoque ostendimus. *III. Formale*, quod
 non est *α. Modus* ab extremorum essentiâ realiter distinctus. Po-
 sitis enim extremorum essentiis, etiamsi omnia alia removean-
 tur, ponitur distinctio. Rursus ille modus si realiter ab essentia
 distincta distingveretur, necesse esset id fieri rursus per aliam
 distinctionem, quæ sit modus realiter distinctus, ab
 extremis distinctis & sic progressus fietet in infinitum,
 vel tandem concedendum, dari distinctionem, quæ ab
 extremorum essentia realiter non distingvatur. Neque tamen
 formaliter est ipsa *extrema distincta*; in quam sententiam incli-
 nat Hurtadus, cum hæc formaliter dicant pluralitatem, quam
 distinctio in formali suo non dicit. Licet ergo nihil ponat
 realitatis præter ipsa extrema diversa, ponit tamen aliquid for-
 malitatis. Nec etiam cum Svario & Rod. de Arriaga aliis-
 que, distinctionis formale in *negatione* ponendum, cum di-
 stinctio sit conceptus positivus, non negativus, quamvis nega-
 tionem aliquam inferat, sine quâ vix explicari potest, judice
 Mendoza. Est enim attributi Entis positivi membrum, rebus
 que citra mentis operationem competit; E. in negatione for-
 maliter consistere nequit. Cum igitur formale hoc non sit
 negatio, sed hæc ad distinctionem consequatur, nec etiam ipsa
 extrema diversa, E. erit aliquid, quod ad extremorum divers-
 forum essentiam consequitur, Identitatis verò negationem
 fundat, quod forsân, donec commodior vox substituatur,
Alietas non incommodè dici poterit. Positis enim extremis di-
 versis, statim exurgit *Alietas* unius ab altero, quæ *Alietas* no-

Disp. Met. 6.
S. 1. §. 4.

Disp. Met. 7.
S. 1. n. 2.

Disp. Met. 1.
S. 4. n. 94.
loc. cit. §. 4.

stro

stro concipiendi modo negationem Identitatis fundat, sicut optimè judicat sapius laudatus Mendoza *loc.cit.* §.5.
Ex hactenus dictis igitur hæc erit distinctionis definitio:

Distinctio est membrum attributi Entis disjuncti, Principalis, Mediati, ex Unitate fluens, dicens Alietatem realem unius ab altero.

§.12. Superest ut paucis tangamus *negiticia* veræ & realis distinctionis, quæ vel vera sunt, vel *fallacia*. *Vera* iterum vel *Generalia* sunt, quorum potissima proferuntur 1. *Diversitas Essentia* sumptæ realiter, non intentionaliter, pro quavis formalitate. 2. *Separabilitas*, eaque realis, non mentalis tantum, sive mutua, sive non mutua, sive sit in respectu ad potentiam ordinariam, sive ad absolutam. Quocunqve enim modo quid ab alio separari potest, indicium clarum est illud ab eo realiter differre. Separato enim uno conceptu, separantur omnia, quæ cum eo sunt idem, aliàs idem non esset idem. Hoc verò indicium nec primum est, nec adæquatum, ut bene judicat Ebelius: non adæquatum, quia non omnia realiter distincta sunt separabilia, sicut in divinis clarum est, in creatis verò idem adstruere tentat Roder. de Arriaga. Nec primum, cum ex antegresso actu separationis sæpe demum de potentia soleamus judicare. Ponitur autem ut certius & notius, quando haberi potest. 3. *Oppositio*, sive cum pugna sit & specialior, sive absqve pugna. Sic realiter distingvi Tres Personas in divinis, ex oppositione Characterum hypostaticorum docemur. *Specialia* reperiuntur vel in *Substantiis*, ut ratio producentis & producti. Idem enim seipsum producere nequit, aliàs enim esset anteqvam se produceret, i. e. simul esset & non esset.

Vel

Coll. Publ. D.
9 St.
D. Log. 5. St.
15.

Vel in *Accidentibus* , ut *diversitas Subjectorum* , quod
περὶ ἑνός vel ponendum absolute, juxta eos , qui unum
accidens pluribus Subjectis inesse impossibile judicant ,
vel limitatè ad potentiam ordinariam, juxta eos, qui
statuunt unum accidens per potentiam DEI absolutam
posse esse in diversis Subjectis, eo modo, quo unum corpus
in pluribus locis. Sed hanc controversiam nunc nostram
non facimus. *Falsa περὶ ἑνός* qui nosse desiderat, profligata
legat ap. Scheiblerum L. 1. Met. c. 8. n. 21. sqq. & Ebe-
lium, Coll. Publ. Disp. XI. S. 1. A. 3. Et hic est
Sectionis Primæ

F I N I S.



05 A 667

ULB Halle 3
004 207 637



Von

bl.





Inches
Centimetres

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

J. N. D. N. J. C.
DISSERTATIO METAPHYSICA
De
STINCTIONE,
Cujus
PARTEM PRIOREM,
Inspirante Divinâ Gratiâ,
Sub Moderamine
VIRI
ILLISSIMI, AMPLISSIMI atq^{ue} EXCEL-
LENTISSIMI,
CHRISTIANI DONATI,
Metaph. in Incluta hâc Electorali ad Albim
Prof. Publ. Celeberrimi
Domini Patroni atq^{ue} Fautoris etatem
devenerandi,
Placidæ disquisitioni submittit
JOHANNES HENRICUS Meel /
Argentorat.
Ad d. 28. Jan. ANNO 1680. h. lq; c.
WITTENBERGÆ,
Typis MATTHÆI HENCKELII, Acad. Typogr.